

SAM: SAM FA SCHLUSS

Jau sa, Nadal è avant porta ed tuts fan uschia sin “happy people”. Sco mintg onn. Na, quai è gea ok, jau na ma vi betg mischedar en u co din’ins?

“Co din ins...?” quai è il tema da mes scribblottem dad oz. Co di’ins sch’ins na vul betg pli esser ensemen cun insatgi? Co fan’ins igl meglier schluss? (Jau sai, sch’ins n’è gnanc ensemen cun insatgi ston ins era betg far schluss. Ed jau sun gea plitost quella da la independenza. Ma

apunta: mintgatant glisch’ins halt en en ina relaziun... naja, qua na vai ussa però betg per il “fall in love” ma per il “fall out love”.)

Jau sun in profi en quai, in profi en far schluss. A tuts ch’èn anc betg profi, qua in pèr tipps: Primo: Betg far schluss a l’entschatta d’ina fin d’emna ch’ins vuleva ensasez passentar ensemen. Sch’ins fa lura schluss, ed il tip na po betg pli ir a chasa perquai ch’igl è memia tard u perquai ch’igl ha memia blera naiv sin via u sa

il diavel pertge, lura buna notg!

Segunda: far schluss pir cura ch’ins è gia svanì cun tut las agnas chaussas or da sia abitaziun (ed era gia dat giu la clav, schi va). E naturalmain era viceversa, na ch’ins sto anc pajar per bittar davent ses plunder!

E what about far schluss al telefon? U per sms? Qua di jau, sche il tip era durant la relaziun gia uschè in freak ch’el scriveva decleraziuns d’amur per sms, so he can get the f... back! Far schluss per sms, er quai negin problem schi sto esser!

Schluss!